



Represchentà la Federaziun svizra da tir han Otmar Casutt (san.) e Werner Kuratle.



Jakob Bardill, president dals veterans tiradurs da noss chantun e Martin Horner, ses collega da Glaruna.



Da las instanzas da militar eran preschents colonnell Lorenzo Rampa (san.) e colonnell Jöri Kaufmann.



In dals fermes tiradurs da noss chantun ed er da la partida a Poschiavo: Hermann Jemmi da Castrisch.



Restan per ils proxims trais onns fidaivels a la suprastanza dal BSV: Hubert Tomaschett, Anna Marugg, Erika Loretz e Walter Umbricht (da san.).



Ils tiradurs da Poschiavo han organisà bain la radunanza da delegads dal BSV.

FOTOS G. N. STGIER

«Bienvenue» en in onn en il Vallais

Federaziun grischuna dal sport da(BSV)

DA GION NUTEGN STGIER / ANR

■ En in onn sa retira Marcel Suter, il president da l'uniun che unescha ils tiradurs da noss chantun. Da preschent èn duas personas interessadas da surpigliar quel uffizi. In tema tar la radunanza da delegads a Poschiavo è er stada la Festa da tir federala che ha lieu la stad 2015 en il Vallais.

Per l'emprima giada en sia istorgia da 133 onns èn ils delegads da la Federaziun grischuna dal sport da tir (BSV) s'inscuntrads a Poschiavo per assister a la radunanza annuala. Marcel Suter, dapi il 2003 president dals tiradurs da noss chantun, ha ditg en ses pled che quai saja ina onur per la federaziun da pudair salvar la radunanza da delegads a Poschiavo e da giudair l'ospitalitad en ina da las vals dal sid da noss chantun. Il 2009 sajan ils tiradurs grischuns s'entupads a Grono e da preschent a Poschiavo e quai saja cunzunt er ina renconschientscha envers ils tiradurs da las vals talianas da noss chantun. Ludà ferm ha Marcel Suter er la collavuraziun cun la Scola da talents Surselva a Glion che saja in bun partenari dal BSV. En in onn vegnia el a sa retrair sco president ed in dals pensums principals fin tar quel termin ed er per ils proxims onns saja da surdar a ses successur ina federaziun sauna cunzunt quai che pertutga las finanzas, ha ditg Marcel Suter. «Cun duas personas essan nus en contact per mia successiun», ha

menziunà il president dals tiradurs grischuns. Nums ha dentant Marcel Suter ditg nagins. Cun el vegn er a bandunar il BSV Walter Burkhardt, il vicepresidente e quai ils 7 da mars 2015 tar la radunanza da delegads a Domat.

L'armada profitescha da las uniuns da tir

Per ils proxims trais onns en suprastanza dal BSV restan Erika Loretz, Jenins, Anna Marugg, Cuirra, Walter Umbricht, Tavau e Hubert Tomaschett, Trun. Las duas dunnas ed ils dus umens èn vegnids reelegids en lur uffizis sonda passada dals radund delegads preschents a Poschiavo. Preschentà è er vegnì il quint annual 2013 dal BSV che sera tar entradas e sortidas da 165 000 francs cun in deficit da radund 3900 francs. En in ubain dus onns haja l'uniun chantunala probabel dad auzar la contribuziun annuala per las 150 societdas da tir da noss chantun e per ils tiradurs cun ina licenza è vegnì ditg suenter la preschentaziun dal quint annual. A pled è er vegnì Hans Peter Michel, il president dal cussegl grond. L'armada profiteschia fig da las uniuns da tir, ha ditg l'antierun landamma da Tavau. Sajettar saja dentant er in sport nua che vegl e giuven s'entaupa e per la tgira da la collegialitad meritian tus tiradurs ses respect, ha ditg Hans Peter Michel. Cusseglie governativ Christian Rathgeb ha alura menziunà l'importanza dals tiradurs

per nossa societad e cunzunt er la responsabladad da mintga singul tiradur envers sia arma. Il pli aut tiradur da noss chantun ha alura er engrazià als tiradurs per lur grond engaschament cunter l'iniziativa da la «Gsoa» da l'onn passà che vuleva dismetter l'armada svizra.

Las Surselva ubain l'Engiadina

La davosa Festa da tir chantunala è stada il 2012 en il Grischun central. La proxima ha lieu il 2018 e quai en Surselva ubain en l'Engiadina. Marcel Suter ha ditg che da preschent sajan las uniuns da quellas duas regiuns vidlonder da chattar personas qualificadas per il comité d'organisaziun. Decidi saja dentant a la fin anc nagut. Tut auter sa preschenta per suenter la situaziun en il Vallais, ditg concret a Raron, nua che la Festa da tir federala 2015 ha lieu dals 11 da zercladur fin ils 12 da fanadur. Ils organisaturs quintan cun radund 40 000 participantas e participants e quai tar in preventiv da stgars 19 milliuns francs. A disposiziun hajan tiraduras e tiradurs 240 schibas, ha ditg Otmar Casutt, il Grischun ch'appartegna er al comité d'organisaziun. Il motto da quella festa saja dal reinvent «Mit Hand & Hätz». Er nus Grischuns sa legrain dad esser da la partida en il Vallais cun numerus tiradurs e cunzunt er cun fermes teams per la concurrenza dals chantuns, ha ditg Marcel Suter.



Giasts cun il president dal BSV e damas d'onur: Hans Peter Michel, president dal cussegl grond, Christian Rathgeb, cusseglie governativ, Alessandro Della Vedova, podestà Poschiavo, Marcel Suter, president BSV e Hans Tresch, vicebandierel dal BSV (da san.).